

ATHANARICVS I. EPISCOPVS SPIRENSIS.



A Thanaricus eruditione & pietate omnes alios suo tempore superauit. Itaq; Dagobertus Austrasiorum rex eum ad se recepit, atq; sacris concionibus præfecit. Cum autem pius ille rex Christianam religionem ubiq; plantaret, atq; Idolorum cultores & Arianae hæreseos sectatores persequeretur, Nemetum quoq; Ecclesiam ex ruinis restaurauit, ac multis bonis & priuilegijs exornauit. In eo loco postea circa annum Christi 630 Athanaricū primum Episcopum constituit, atq; ei celebrē eam Ecclesiā commendauit. Itaq; Athanaricus magna diligentia omnia instituit, atq; suo exemplo omnes alios ad uirtutes excitauit. Cum hoc modo per 22 an-

nos suam Ecclesiam gubernasset, tandem moriens, Eruipium successorem habuit. Vt autem commodius eius Ecclesiæ incrementa & successus cognoscamus, ex antiquorum authorum lectione paucis Antistites Spirenses ordine perstringemus.